

GOTT FRIED STUTZ

000589 696 11
T-050179615-1
C&A Rohrer Daniel IPI 00072 97 75 37

Am Sunntig morge machen i e Spaziergang
Ds Marzili z düruuf, der Aaren entlang
Uf freii Natur han i grad Luscht gha
E Cervelat zum Brätle, han i o by mer gha
Am Waldrand, ja, was gsehn i da?
E grossi Tafele, i dörf hie nid wyterga
Us Gründe vom Naturschutz
Dörf i hie leider, Gottfriedstutz!
Vo wäge gschützte Vogelarte, mys Würschtli, leider, nid ga brate
I mache ne nüt, mache ne doch nüt, aber 's het ke Sinn, no mau z'probiere

Aues wird gschoonet, aus wird gschützt, un i frage mi, was das no nützt
U glych wird 's gschoonet u glych wird 's gschützt, u wär weiss, ob das no nützt!

Am Mäntig morge lüte n ig em Hunderteufi a
U frage, chan i bitte en Uskunft ha
Ds Frölein seit: "Momänt, ich luege grad nache"
Paar Stutz später fragt si mi: "Sind Si no da?"
I gloube's nid, aber was ghören i da?
"'S tuet mer schampar leid, aber 's isch äbe so
Us Gründe vom Dateschutz
Darf i euch leider", Gottfriedstutz!
"die Telefonnummere nid verrate, si müend halt sälber no chli wyter rate"
Si seit mer nüt, si seit gar nüt, 's het gar ke Sinn, no wyter z' frage

Aues wird gschoonet, aus wird gschützt, u i weiss doch dass das nüt nützt
U glych wird 's gschoonet u glych wird 's gschützt, o wenn aues nüt meh nützt!

Im Zyschtigs-Club fat eine sy Politred a
Verzeut u-längi Gschichte und viu Bla Bla
Me söll doch d´Stimm für ihn de ga ynela
Sys Parteiprogramm sygi de scho ds O und A
Är heig e suberi Lösig für jedes Problem
U heig de gar nüt z' tüe mit der Korruption
Aber us Gründe vom Verfassigsschutz
Chönni är hie leider, Gottfriedstutz!
Syni Parole nid cho verrate, 's chönnt ja süsch no bös usarte
So seit är nüt, är seit gar nüt, 's het gar ke Sinn no wyter z'lose

Är wird gschoonet, är wird gschützt, wüu das es paarne grad guet nützt
U so wird gschoonet u so wird gschützt, o wenn aues nüt meh nützt!
Är wird gschoonet, är wird gschützt, wüu das es paarne grad guet nützt
U so wird gschobe und usgnützt, wüu 's es paarne so meh nützt!

Heimatschutz, Naturschutz, Rägeschutz, Rächtsschutz
Empfängnisschutz, Luftschutz, Tierschutz, Chlöschterlistutz
Aues wird gschoonet, aus wird gschützt, un i frage mi, was das no nützt
Roschtschutz, Lärmschutz, Chopfschutz, u de git's serig, die hei e Chopfschuss
Windschutz, Zivilschutz, Froschtschutz, Gottfriedstutz

Aues wird gschoonet u wird gschützt, un i weiss, dass aues nüt meh nützt!
Aues wird gschoonet, aus wird gschützt, un i weiss doch, dass das nüt nützt
U glych wird 's gschoonet u glych wird 's gschützt, o wenn aues nüt meh nützt!
Aues wird gschoonet, aus wird gschützt, u du weisch doch, dass das nüt nützt
U glych wird 's gschoonet u glych wird 's gschützt, o wenn aues nüt meh nützt!

